

沅
湘
耆
舊
集

沅湘耆舊集卷第一百九十三

新化鄧顯鶴湘臯編輯

湘陰左宗植仲基校訂

釋緒庵知纘 五首

知纘字默成號緒庵明季進士隱姓名薙髮入常
寧慕且拙高行師事之逸事見是集

和鹿牀張明府入山見訪

天竺先生復是誰無絃妙曲想鍾期舊來好事何人記老
去深恩祇自宜磯畔閒行垂釣早花邊適意倚筇遲新詩
寄我添微笑祇似山中把臂時

和澹翁寄且公詩三首

篆盤宿火夜猶熒松露沈寒寂可聽印破虛空千丈月銷
鎔今古一箇經

客路何須泣異同穿雲野鶴出樊籠香浮寶篆鐘聲近可
是吳江煙雨中

半是文章誤此生星霜歷亂度平明萬緣到此都消歇獨
倚松門聽鳥鳴

酬張澹翁入山見贈

古徑欹斜山外山白雲去住總無關客來猶是朝天舊兩
袖清風出世閒

釋知修 一首

知修字

和彭兵憲題雲陽署

今時謾說趙州茶且共良朋娛歲華
最喜文星符白鳳卻憐戰骨擁黃沙
江頭有客頻敲楫門下何人更籠紗
昨夜金風生紫岫幾前亂落竺乾花

釋津修二首

津修字

湘寺喜晤義山大師

故山深處荷鋤誰雲戀衡峯無盡期
扶杖經年尋勝境班荆隨地叩機宜
高齋竹籟黃塵淨古路泉流白日遲
我欲拈呈無住著何人認作苦吟時

秋曉送且大師還山

蕭晨露地見林山秋色泉聲送客還煙露未曾昏眼目風
塵從不礙躋攀軍持來往閒家具拄杖開遮古佛顏一臥
精藍屏莫掩尋常自有月臨關

釋楚峯

六首

楚峯字

緒庵高弟也初居照山旋繼法雲山

復紹席義山四方雲集經其鉗鎚咸證妙諦

登峯遣興

幾回思遠眺特地踞峯頭易識人前句難窮世外眸碧天
雲盡處滄海月孤流未到其間客空垂兩鬢秋

法雲山次友人韻

山以我爲名我以山作窩往來雲霧近上下鳥猿多石徑

蘼芳草芽簷挂碧蘿聽松猶未了遊子又催歌

次遠大師過山見訪

萬籟聲寥寂輕雲布上方掬泉無世味煮茗有清香北雁
投沙渚南山思故鄉三生惟約石夜月淡秋光

遊涪溪題鏡臺

鏡臺磨洗自天開怪石嶙峋出水隈今古遊人題不盡元
顏過去約誰來

舟中晚歸

小艇蒲帆伴夕吟水流不斷去來心燈明兩岸波含影霞
散秋空月一岑

秋筍次韻

秋露龍孫出梵宮
春雷不借許誰同
通明殿裏披煙籜
惟有君心第一空

釋福澄 一首

福澄字文清衡陽人飛錫邑西育王山工書畫詩
亦閒雅有致

山居示諸苾芻

蝨臂鼠肝歸造化
利名關破任逍遙
鳴琴月下披寒露
移石溪邊接斷橋
百歲光陰彈指過
一身榮辱問誰招
白雲
馬上風霜老獨秀
孤松識後雕

釋達明 一首

達明字曉林衡山人

秋日懷雲峯

幾回懷舊處遙望隔天涯寄跡原無住安身便是家情從別後想愁向眼前加落木隨空下蕭蕭感物華

釋通一 一首

通一字悅可沆陵人

歸龍泉山

歸來萬事已蕭條花草奚堪慰寂寥三徑梧桐鳴夜雨滿林風月冷詩瓢山門舊犬迎新客松頂仙禽識故僚無限情懷何處寄狂歌一曲對芭蕉

釋則峯 四首

則峯武陵人常德文徵存其近體數首殊不類方

外人語

山居和元椅堂韻

蓮葉影遮雲半畝松濤響落翠千層了知濯月無如圃也
自開池學種冰騷駟豈能降社鼠榆枋詎可戢雲鵬寸長
尺短從來事且看青黃麥幾稜

頭上青天今古在勞勞何必杞人憂神珠徑寸應難捨心
月孤圓信可修穠隴雲開時打雀豆畦雨後日妨鳩兒童
謾說都無事也課澆蔬汲澗流

和芭蕉和尚喜余與西來續至元韻

比來無事得相聞念苦殷殷只憶君話到盡頭惟說鬼願
從極處熟眠雲擬同寒拾顛或隊復與蘇黃攪作羣謾謂

有言稱自諫悲無一點上碑文

挽石帆法兄

薄海都欽濟世津法幢摧折倍傷情風生南國愁雲黯德
感東吳淚雨傾合調塤箎悲失韻潑天門戶苦難撐影堂
索莫從長逝唯聽清笳咽暮聲

釋知宸一首

知宸武陵人

再過玉崖上方並簡籟園主人

憶別寒巖路未荒鴻飛猶蹈舊時梁雲山勞我思千里煙
水懷人夢一方露氣乍添叢桂冷霜林又點碧梧黃看花
曾記東籬下卻羨風流處士香

釋豫亭十四首

豫亭武陵人詩筆與則峯近殆亦有託而逃者也
赴花藥請謝龍御六先生施田兼別武陵諸友

萍蹤老博牛生閒心愴離羣鬢欲斑熱念記回貌坐看雲
書定向雁峯還江干月影掠新菱洞口桃花識舊顏千里
片帆風漸遠相思誰禁淚潸潸

嶽亭秋望

秋入平原未幾時荷殘柳敗不勝支背人歲月堂堂去老
我煙霞特特羈嶽頂斷雲籠薄暮令江斜照淡歲華天然
好累多狼藉拾得歸來可贈誰

嶽亭散步

綠陰層疊擁 僧寮好景宜人不用招返照入林窺客鬢
雲挾雨宿山腰勞人魂夢江千里斬我乾坤飯一瓢最喜
半輪新月白空亭四壁瀉銀濤

春遊石鼓書院

春光九十半 成空雙鬢蕭蕭老客中江上有亭畱短策人
閒何處覓仙翁蒸湘二水流無盡唐宋諸賢道不窮自注
唐宋諸賢信是斯文天未喪千秋人自仰高風

大木山訪嬾牧和尚話舊

峯高迴雁信難憑雲樹空教憶武陵十載好山忙裏過一
帆秋水便中乘池觀海印曾同立石上磐陀幾共登惜別
不堪重悵望星星華髮數莖增

詞林香集 卷第九十三
催梅

莫戀孤山水月中好舒檀口迓東風計時已是經年別韞
玉甯甘晚歲窮骨向冰天撐欲老香含秋水照還空一枝
斜上牆頭影早把羅浮信息通

惜春

苦雨顛風惱客懷雙眉愁鎖慰難開杜鵑舌冷春無主蝴蝶
蝶香殘夢已灰白髮應從今日始黃金難買少年回相思
正有山陽淚漫向空庭更舉杯

客衡贈楊太史朗溪先生

君到雲開豁避眸丹霄濶步少人儔校書天祿甯希寵獻
賦長門不望酬眼底空明界岳嶂筆端波浪小湘流情深

桑梓勞青盼煨芋還須贈鄴侯

訪大士林最一大師

護門一水湛如苔雖設柴門不浪開
鳥爲銜花穿竹去僧因問道渡江來
乾坤若大歸懷抱風月無邊屬總裁
杖策如經黃葉裏敗蕉流影上空階

寓感

晨鐘喚曉入匡牀添得浮生一日忙
物理不妨推細細世情何必論堂堂
作愚甯子空榮辱特達莊生善含藏
幾欲買山營小隱至今猶滯水雲鄉

酬劉序黃文學來韻

山川客久覺情多無那風柯月渚何
舊友大都憐我別新

詩正可對君哦東林解結千秋社
槐黃知得意天香散處影婆娑

一指天門價未高文成五采籙江高
丹成白日聞雞犬花

老秋風伴蕨蒿

自注花藥得各由黃
葛二仙鍊丹於此

無匣逢人空說劍有

禪何處可吹毛他年曳杖歸來日
欲贈瀟湘萬頃濤

酬甫臣叔來韻

江頭話別強行行坐對秋風月二更
作客愁中能乍喜懷
人夢裏亦多情碑傳神禹辭難釋
瑟鼓湘靈怨易成枉渚
有山空極目模劔煙樹不分明

客中寒食

年年客裏逢寒食此日天涯尙未歸
蝴蝶多情勞遠夢杜

鏡舌明斜暉寒欺百衲鶉千結腸斷一親柏數圍自古
英雄皆有憾空教裘馬說輕肥

釋寒巖 一首

寒巖湖北石首人姓劉氏本名家子中順治丁酉
舉人名鴻慶有夙根私自祝髮遁跡峩嵒山康熙
甲子來澧州募修鍾靈寺乙酉坐化

坐化自詠

淨收梵竺與袈裟檢點行囊沒一些足踢白雲歸洞口肩
挑明月到天涯可憐松頂初來鶴孤負籬邊舊種花分付
靈猿隨我去莫教流落俗人家

釋心正 一首

心正澧州刻木山僧持戒最嚴十餘年足跡未嘗
一至山麓謠作草書彷彿懷素性樂與文士倡和
年四十圓寂文士多傷之

曉望

新晴一點淨浮煙曉起峯頭望遠天指似君山何處是洞
庭秋水浩無邊

只一老人

四首

老人姓陳氏逸其名本錢唐人少補秀水諸生曾
應鄉試中副榜年三十喪耦遂不再娶性任俠遠
於學熟習掌故初隨舅氏某督學山西旋侍其母
依妹壻江西永豐令任所繼遊粵嶺涉閩海以賞

得縣令將謁選會遭母憂仍滯永豐一日與妹婿
渡江舟覆殁死老人僅得免遂絕意仕進久之孑
然一身買舟攜一僕出至鄂清涉洞庭而南聞武
陵德山名利也往投之願薙髮主僧不納跳而之
沅州依其故人某副將復不辭而出僕亦逸去落
魄無所之乃祝髮城南景星寺以僧服終寺僧葬
諸選佛場之原

七十自述四首

近來人事儘蹉跎一任流年捲白波入社祇堪畱讌飲見
人常悲厭婆娑凍殘四體心猶熱淚掩雙眸涕更多自笑
衰顏窮不死每逢初度一哀歌

早已山居絕世塵肯教浪跡自沈淪過時碁局畱雙眼此
日詩名賸一身老去有懷猶儼在狂來故態自嶙峋謾呼
梅鶴爲妻子天地吾廬莫認真

貪嗔蠲盡尙畱癡乘興還思學小兒趁雨栽花晴弄月逢
場作戲悶敲詩鏡中玉雪顏非舊匣裏青萍氣欲馳聞說
歸空無挂礙衲衣露頂不隨時

瘦骨棱棱傲氣孖輕裾肯復見侯門歸空未必能離俗養
拙猶堪學灌園安石碁枰看冷暖樂天詩卷佐饔飧少年
百味通嘗遍莫笑而今咬菜根

釋明景 三首

明景字義林芷江景星寺僧九歲薙染侍本師極

謹師命之精內典性穎悟一目卽了兼學爲詩書
法亦自妍絕師愛憐之比出遊歸師已涅槃賦哀
詩十章人不忍聞蓋法門中有至性者初義林聞
銅仁梵淨之勝遂挈瓢笠往訪投憩於省溪近山
禪寺有金丙者與之遊旣久得受撰著訣別有解
悟遂以箴法名

別金箴師

行遍天涯興愈奢逢場作戲久無家今番未忍匆匆別爲
愛清吟手八叉
妙道難聞獨繫辭靈蓍誰破鈍根疑卻慚羲畫傳心日未
抵程門立雪時

省溪別諸友

省溪泮梗又經年了卻三生石上緣此後精魂應記取分襟正是木樨天

破門和尚法知一首

法知號破門結茅南嶽下火場自名其庵曰石浪有破門詩集破門與彭禹峯先生友善嘗跋其詩云破門居衡二十餘年以詩自娛更工草聖祝融紫蓋之精靈與蒲團墨瀋打成一片其傾倒如此惜其集未見

秋日晚登祝融

一山月色半山雲處處秋聲沒耳聞近日山家無別事

黃葉蕩斜照

天培禪師常鑑一首

常鑑本吉州劉氏子誦經苦行習不沾席者二十
餘年康熙中應南嶽高僧一禪開儒長山之請主
席祝聖寺塔建天柱峯下

聞爆竹聲

頂門火發響如雷大地山河立下階始信從前空費力一
重撥盡一重灰

德山禪師全賦二首

全賦本山左王氏子中年慕道祝髮入山得法於
靈巖退翁老人接臨濟正傳開法鄂州之九峯山

康熙初元遊朗至德山乾明寺欣然挂錫先是德
山荒廢虎狼所都往往恣噬自師至虎不爲患時
忽一入衆旣狎而不驅亦迺運而去寺東南有井
師所開也師每日五鼓持華嚴大典至平明方進
食午後粒米勺水不入口堅行已三十餘年凡一
切應酬士夫宰官村氓隸卒均視不低昂惟以慈
悲接引樸實指點日每數百起毫無倦色康熙三
年臘月初旬師至四年二月庚申日喚侍者取一
盆水將一刀來師接得擲刀入水大喝而逝

扶病登樓玩雪口占

十年此懷抱今日一登樓四野雲明暗千秋鳥去閉天顏

無可似吾老欲何投久病憐柴骨方牀又滿愁

入龕偈

雲山要分手信宿不長久空身隨住去閒聽風雨吼

釋正法一首

正法南嶽寺僧

磨鏡臺

老不含羞真捏怪磨磚惑亂馬師機雲堂月上全無影石
崖天高盡不扉度世千華空自轉傳心半偈是還非從茲
踏剎空天下磨就清光萬古輝

釋圓肇二首

圓肇南嶽寺僧

衡嶽道中憩湛甘泉先生祠

登峯何見復何聞耳畔松音眼畔雲疏整蒼苔巖寂靜秋
山碧樹日氤氲幽堂懸榻堪畱客古廟傳祠不愧君孤杖
休嫌無伴侶前林寒鳥自呼羣

登祝融

我陟其顛鳥喚羣雜來魚磬耳邊聞草經楚火難爲綠天
刊衡峯盡是雲

釋行微一首

行微字季總衡陽人住蘇州慧燈禪院晚歸南嶽
淨瓶巖見南嶽志按明詩綜行微字繼總衡州人
劉善長之女嫁陳氏子而寡中歲出家爲僧通微

弟子住嘉興福國祥院與此小異其爲一人無疑

也今兩收之

衡山縣志李總衡隱婆之子也住姑蘇慧登禪院晚歸山嶽淨瓶巖嘗上

堂示衆云臥雲深處不朝天剖一微塵出大千猶子吼斷黃金索象王耕破劫初田當穡會得真消息火內重開五葉蓮要與秋風戰一場等閒直入空王殿空王殿誰家竈裏無煙飯按此則見衡山縣志仙釋傳問異詞如此當以明詩綜所引爲是

過九仙觀

派派清流瀉翠橫九仙臺上埽花迎塵囂已謝年年遠花
果時生日日春洞裏漁樵新別調蓬萊勝負舊棋聲請君
更種桃千樹白鶴飛來兩翩輕

沈湘青集卷第九十三終

沅湘耆舊集卷第一百九十四

新化鄧顯鶴湘臯編輯

長沙毛國翰青垣校訂

釋恆梅一首

恆梅大瀾山僧居湘鄉潮音閣食力自資人未之
異也康熙庚戌九月朔忽來易公鉅家作別云初
七日午時富逝至日沐浴更衣拜佛辭衆昇棺於
廊自入棺內作偈合掌而逝

坐化偈

劈破洞庭千頃淨撥開衡嶽萬重清青天白日無遮礙一
片虛空自在行

釋啟林

一首

啟林益陽人

偕同社遊鰲魚山分韻得萬字

析聞南山招恰遂尋秋願相攜陟層巒倏已埽塵瀾日斜
江逾空木落山自獻渡暄知市收煙深識漁爨劇談感離
羣朗嘯和吹萬古脊耿無寐清醑還相勸

釋知彥

三首

知彥字伊庵攸人

山居

尖頭茅屋石橋東一水當門曲似弓車馬聲消青嶂外山
禽嘯向綠陰中疏簾夜捲千峯月碧樹時喧萬壑風最好

晚晴溪上立樵歌歸唱夕陽紅

倚杖山涯又水涯日來清味總堪佳孤危便是離塵法閒
曠偏增出世懷背閣溪山千丈瀑閉門風雨一空階人臨
死去方尋壑我獨煙霞作活埋

千峯茅屋老僧家一徑縈迴竹樹遮溪水聲中安橙去榻
煙雲堆裏種桑麻盤空細路如懸索絕壁飛泉似落花更
喜寒鴉深有意傍人門戶作喧譁

釋本開 一首

本開字碧眼長沙人

見影

渺渺雲山路未迷扶筇擬過石橋西
豁然見我橫溪影不

覺通身是水泥

釋覺明 二首

覺明號茹蘭益陽人卓錫寶林寺

村意

遠鳥披山暝炊煙接四鄰柳疏三徑月花釀十分春
筍力能翻石松籬笑過人古囊收不盡獨立望雲皴

晚步

高樹集昏鴉斜陽澹人影小步上層巒鐘聲霜葉冷

釋知音 一首

知音字不韻衡陽人

偶登江閣

棹入瀟湘興正濃偶登江閣寄行蹤逢人盡指東洲浪冷
笑南山七十峯

釋本齋

四首

本齋字大淵茶陵人

懶堂弟自長干至陳溪促膝月餘余應余峯之請偕
行入山喜而賦贈

不憚衝關險多君自遠尋山房雲護密水殿浪環深共釣
一春雨同樵九夏陰經年纔把臂重見鵲鴿心

過雲間寓中峯遠祖道場

因投古寺榻深媿拜遺容立盡雲邊樹歌殘月上鐘簡書
知妙諦博物識高蹤幻住千秋重當門落箭鋒

雪中泛櫓過南洋劒眉

一櫓探幽勝南洋數里程煙隨波面闊風逐雪花生門近
湖當榻鐘寒寺隔城遙看漁火動浦外有歌聲

冬日同一公夜話有感

十年林下事一夕快談過高月浮新竹微風漾綠波溪橋
人語細茅店犬聲多共惜鐙前影閒將白雪歌

釋知安一首

知安字盤石號棄庵耒陽人

岳陽樓懷感

欲淹名勝地驚失故山期千里湖天渺孤舟客夢遲昔人
不可見芳躅尙堪追無限登臨感寒風落日時

釋知旦 三首

知旦字明我號半庵常寧人

登塔山

戎馬驚心後乾坤縱目中雲連滄海外日湧大湖東此地
人煙少當年霸氣雄興亡無限感鶴唳起長空

秋月寄懷凱恩

殘風驚雨亂老橘鬪霜肥竹塢棲禽早柴門過客稀行藏
兩地隔饑渴十年違桂魄今雨滿江帆尙未歸

客夜有懷盤石巢鳴

故園皆戰馬歸計是何年薄俗誰知已空齋對冷煙鐘寒
驚夕鳥菊老傲霜天近接蒹葭句行歌野樹前

釋知度 四首

知度字均化常寧人

九日

九日登臨處風煙領略清
行疏孤嶂出雲斂一溪明
酒任陶公酌茶從趙老烹
菊花相對發何似故人情

秋夜懷凱愚

枯坐石牀久林空覺夜寒
堂前雲已睡嶺上月初殘
迢遞人何處淒其夢未安
檢書仍隱几愁絕到更闌

登徑山望江亭

閒到江亭上川原一覽收
雲根盤曲磴樹杪挂寒流
遠浦春帆亂芳林翠靄浮
倚筇看不厭重過五峯頭

題一勺泉

撥入蒙茸谷欣逢徑寸泉潺湲青石上浩蕩白雲邊微影含明月清流照遠天是誰知此味源發自何年

釋知韜 一首

知韜字萬峯衡陽人有詩文集三十卷

山門

是誰親到此山中路滑人曾進力窮水向雲頭逆潑浪石從空處立呼風槎浮日畔癡情約飯熟桃花憶客通檢點落花披作襖漫驚林鳥築蒙叢

釋超本 一首

超本字遠堂邵陽人

復訥庵

落木風初勁，清秋露正濃。
寂寥邀夜月，迢遞憶高蹤。
濟北推名駿，江南識臥龍。
金湖分手後，只愛白雲峯。

釋來源 三首

來源字濟之衡山人

山居

絕徑崔嵬處，誅茅結半閒。
形忘青嶂老，心共白雲閑。
南嶽堪藏拙，東林倦遠攀。
遙聞蓮社友，靈運每空還。

春光看欲盡，幽事雨中過。
地僻人來少，山寒睡應多。
銜花鴈鳥慣，偷筍柰猿何。
步出柴門外，行蹤揜綠蘿。

孤雁

聲遠落青天外
孤影高翔明月中
歷盡邊塵歸舊鄉

因霜翻怨秋風

釋性熙 一首

性熙字客生攸人

蓮社初開處相傳得遠公
水光浮寺轉雲氣墮城空
臺殿千峯入松蘿一徑通
幽棲真可愛長嘯紫煙中

釋福悔 二首

福悔字萬德住常寧城西仰廉閣

山寺偶興

鳥語發禪機花香清俗夢
空門意自閒不假琴三弄

春殘

春殘人醉落花風
猿在迴廊鶴在籠
嗚嘯一聲山谷應
碧雲依約滿虛空

釋明哲

二首

明哲南嶽寺僧

秋杪遊擲鉢峯時
子讓徒清渠孫偕行

病因纒起膝猶酸
覽勝竟忘磴百盤
落葉臺前開畫譜
歸鴻斗北叫新寒
石頭欲墮雲畱住
古寺爭奇月到難
况復相攜多好侶
芙蓉秋水應同觀

初春出行

選勝奇逢霽出門
菜花正月苑成村
桃源路入溪千折
盤

谷春回水一痕竹裏烏囀王謝第途邊人斷杜陵魂東風
亦有乘時態青眼微微上柳墩

釋佛格 一首

佛格字慎庵曉堂禪師法嗣也曉堂楊氏子名天
哲爲天培禪師之嗣繼席祝聖聿振宗風嘗感猿
入定前中丞王公贈詩有猿知入定無驚物驚慣
聽經亦解人之句紀實也曉堂旣寂佛緣佛格皆
其法嗣也佛格習勞習靜有祖風亦能詩

喜雨酬陽湖黃明府祈求恩澤

驅魃迴甍澤祈龍歷嶽隈雲擁皂蓋甘雨隨車來焦解
田中稼歡傾黎老杯酬香復過此喜氣藹天臺

方集卷第一 百九十四
釋聞默一首

聞默南嶽寺僧

望祝融峯

地湧一峯秀，高撐南楚天。
鳥鳴青嶂外，花笑碧巖前。
路繞參差徑，溪流曲折泉。
石奇如虎踞，松老似龍眠。
露滴千山翠，晴開萬壑煙。
雲歸谷岫合，月上太空圓。
李白詩堪詠，王維畫可傳。
幽人頻眺望，相對亦忘年。

釋濟濤一首

濟濤南嶽寺僧

遊藏經殿

西嶺之南南山末，直上一峯最寥廓。
迅雷纔起太虛中，昇

翳驅雲已先落松風六月送清涼立地陰深寒浸腳嘉靖
初年善男趙劈開嶺腹搆一閣鑿文寶偈布琅函黃金佛
像垂纓絡老僧念佛計豆兒不知有善皇知惡住去心忘
渾太虛山鬼天魔難摸索惆悵我來何太遲不得遭師解
粘縛今日登臨心慘然六朝松上巢孤鶴

釋佛仁一首

佛仁南嶽寺僧

六月尋水簾洞

火雲也有息機處我爲尋幽亦息機赤手捲簾寒到骨科
頭入洞冷侵衣松閒少女仙風舞潭上老龍神雨飛大地
清涼於此識不驚紅葉不思歸

釋佛月一首

佛月嶽麓寺僧

丁卯秋日王進士九溪張孝廉礪山嶽麓登高紀遊
五嶽推名勝衡峯峙楚天煙雲簾外起日月坐中懸地闢
洪荒世壇開太始年三千空物象八百極華邊宋衍尼山
道明棲鄧郁仙屏風青立石翠簾綠平田澗瀉雙泉瀑松
含萬嶺煙幽探逸士韻志迷醉翁賢摩詰閒耽賦畱侯晚
慕冬陽春真獨步巴里愧隨肩嶽色憑軒攬秋光徧野妍
草堂曾議舉風雅賴君傳飯煮青芹菜茶烹白鶴泉其中
殊有意此外更無禪採菊高須到尋芝老更攀行吟工部
句壁續宋公篇聖教畱椽筆香花結淨緣談心徵往事美

景出天然海入胸中窄牛無眼底全風騷追屈宋護法見
蘇錢夢向深林穩才爲隱世憐雲山千古話永記麓峯顚
一目和尚嗣奎九首

嗣奎字悟參別號藻泉又號一目和尚邵陽五台
庵僧也或藏其破爛詩稿中有買花詩作券嫁病
酒爲媒且將酒鑰開眉瑣自把心機織鬢絲之句
亦髡流之頗解吟詠者詩多纖巧不似方外人語
今擇其稍雅飭者存之

秋柳用濟南韻

隄邊秋日暗驚魂曾記東風綠到門慘澹腰支畱瘦影蕭
疏眉黛墮春痕青溪宅冷烏衣巷白下人歸黃葉村長笛

一聲回首處幾多詩思向誰論

漫興

新開蝸室小樓偏萬景橫陳到榻前驚浴晴波千點雪鴉
棲晚樹幾枝煙奇峯缺處雲爭補澹月疏時柳正眠靜裏
相關生意足不妨喚作野狐禪

久雨

黑雲如漆鎖江城花落梅溪雜雨聲我最多情聽不得擁
衾危坐到三更

卽事

雨歇垂楊小曲江水光瀲灩蘸紗窗前汀一棹來煙際驚
起鴛鴦一雙

來薰館卽事

鎮日蕭蕭不下帷
風疏鈴索自南吹
隔牆乞得芭蕉半
寫楞嚴半寫詩

開窗

清江涵泳雁南飛
兩岸寒煙鎖翠微
一夜空堂渾是水
開窗自放月華歸

偶來

月下長松碎影橫
露涼如水滿江城
朱欄十二人無寐
獨有危巢鶴夢清

漫興

桃葉桃根一翦齊
柳腰眠起舞東西
砍花風雨休相妬
明

與呢喃海燕栖

春日

沿門一帶綠楊溪兩岸青青草色齊
獨有關心春水活夕陽趺坐斷橋西

寄塵和尚衡麓

五首

衡麓字湘濱一字寄塵衡陽人卓錫無定所遊跡
多在蘇杭閒所至公卿勝流爭相延致嘉慶初嘗
從李兵部鼎元冊封琉球國人雅重之寄塵之名
最著詩多應酬語書法較優大抵不離江湖派

癸丑暮春同勵太史退谷余太守淳庵蔣山長蘆齋
范明府視雲集晴江亭雨坐小飲次硯雲韻

煙雨江亭合人居荒靄中銜杯塵慮遠聽雨世緣空是日
方求晴風景成天趣詩才奪化工三春好山色入望眼迷
濛

游海珠寺觀龍舟

珠海海珠寺招魂汗漫游雲峯天外矗鐵甕水中浮鼙鼓
鳴蛟室龍舟繞層樓一鉤新月上釣起古今愁

晴江亭卽景次衡陽范硯雲明府原韻

場來亭畔話三湘雅度春風徧草堂遠浦買舟帆上下隔
江圖畫野村莊馳驅共羨駒千里蕉鹿空嗟夢一場好景
頓教收筆底興酣醉墨舞淋浪

帆隨面面轉衡湘惆悵行裝別雁堂挂錫寒威千嶺雪打

包春滿百花莊平生落拓南柯夢半世消磨翰墨場但聽
驪歌頻折柳無端風雨夜浪浪

飄蓬一紀別湖湘憶昔參師戒律堂今日從容歸故里何
年如願買山莊心甘佛國清涼地身遠風塵鬧熱場空色
空都是幻優游瓶鉢任聊浪

雨隨一首

雨隨湘潭詩僧張湘門集中有贈雨隨詩所云多
君白業耽吟事一卷清詩見古風者也

出山

臥雪眠霜二十年更無心學祖師禪唯餘破碎袈裟服舊
力披來一露肩

鏡五 二首

鏡五湘潭人嘗居最勝庵張橘洲有訪僧鏡五詩
云出郭新秋爽高風一葉聞湘江空外靜昭岫望
中分境僻延清籟僧閒臥白雲勞生逢此憩容易
又斜曛

一口偈

坐斷孤峯頂能潛狐鬼蹤浮雲滿地白晨旭萬山紅
四海明如鏡行人眼自知心中無一物隨處是生涯

沈湘耆舊集卷第一百九十四

沅湘耆舊集卷第一百九十五

新化鄧顯鶴湘臯編輯

湘陰左宗植仲基校訂

滌塵詩僧覺慧

古近體詩六十九首

覺慧字滌塵別號湘嵐湘潭呂氏子有夙慧八歲
披薙時邑人張禮謙庵授徒庵中謙庵固詩人也
愛其穎雋教之爲韻語若有神悟年十四所作已
近千篇其師本照竹軒攜往武昌登黃鶴樓用崔
灝韻賦詩才名赫然動江漢開嘉慶辛未余北歸
過漢上聞人嘖嘖稱湘潭詩僧爲神童爲誦黃鶴
樓句余心訝之歸訪其人而滌塵已於是年卒年

方十六也潭人哀之爲葬於鳳竹庵側而謀刊其
茸香詩草五卷謙庵痛之甚又哀輯三僧遺稿刻
行三僧者一石舟一漱石其一則滌塵皆其詩弟
子也上元朱魯門方伯紹曾云湘南詩僧本照字
竹軒今之皎然也其嗣法徒滌塵年九歲從
事詩人張謙庵一經指授便領悟若有夙契成都
謝青葢大令攀雲云余自新康蒞潭政稍暇卽招
邑人士聯文酒之歡有小沙彌滌塵年十三爲張
謙庵詩弟子邑人士稱道不置余招之來前神明
清審風宇恬暢出其詩各體俱備詞旨宣朗瑩潔
卓具老成矩步比面試之立刻得數紙殊可人意
惜法亦秀整畫更儉然有遠致篆
刻圖書皆精好浮屠中不易才也

擬古四首

滔滔大江水日夕從東流飛蓬不可繫白日將何謂焉得
長生方采藥蓬萊邱壘壘笑大夢蝴蝶迷莊周古人去已

遠使我長悠悠

回頭望秋月秋月何團團團團苦易缺感此應長歎何人
共我意惻惻摧心肝

男兒仗意氣驅馬隨風塵朝上黃金臺暮入長安門豈知
魯連子歸揖平原君千金不望報談笑輕秦軍

鵬搏九萬里歸隊崑崙岡羽毛蔽日月天地寒無光憤怒
時四顧下界何茫茫寄言雀鳩輩嘲笑徒猖狂

北邙

步出東郭門遙望北邙山山中何纍纍白骨堆其間古墓
竄狐狸寒巖嘶虎豹秋風吹白楊落日山鬼嘯野老來山
村手指向我言一半在貧賤一半在朱門朱門公子第大

虞陵雲勢一朝摧異災公子道旁斃語來天色昏衣裳多
淚痕富貴尙如此貧賤安足論石槨千尺厚毛骨憂速朽
未磬百餘年同爲道旁土千鍾不足恃一死誰相憐年年
二三月東風嘯杜鵑

山中

結廬在深巖久與塵世隔山水本相知煙霞况多癖葉稀
秋氣深雲起峯腰缺急雨過晴空寒濤瀉松柏有時杖錫
行暮朝適所適日出西巖紅日落東巖赤峭壁虎聲嘶長
風捲沙石大嘯獨歸來千山秋月白

擣衣曲

涼風入九月戶戶擣衣聲征人在遠道颼颼悲風生悲風

來遠浦含愁獨無語新衣今未成舊衣誰當補目斷大刀頭涕泣零如雨

月夜茸香精舍遲謙庵夫子不至

中天月色清方丈篝鐙靜人坐白雲中心猿倚禪定未識吟詩人何處探名勝欲把瑤琴彈誰識高山韻

野老

野老碧山下曉起鋤瓜田瓜田四五畝鋤罷樹下眠睡起復長嘯興致何翩翩披襟坐茂草濯足臨清泉我從碧山來招手使我前笑傲不爲禮疑是雲中仙自言此閒樹種自羲皇前居人久居此餐芝不計年荷鋤指我歸日暮雲如煙回首望歸路明月生層巔

秋夜

深宵秋月明閒階晚煙靜涼影碎梧桐清光紛不定幽人
踏月來微吟足清興萬籟寂無聲蟲聲淡相應

題楊聰堂宅

幽人住幽谷柴門斷車馬鳥語深林中花開曲欄下采藥
逢山翁沿溪識樵者盡日寂無言一卷行猶把何當楊子
居更結遠公社

過山寺

行行入前山茅庵倚空碧落日下蒼茫大風莽蕭瑟老松
作龍吟寒濤瀉巖壁中有白頭僧枯坐忘朝夕嵐氣溼衣
裳白雲滿窗隙我來共清言橫衿坐苔席微月上山頭清

光散林杳

落花篇

東風二月桃花天千枝萬枝紅欲然少年走馬長安道姹
女當壚誇數錢新歌一曲令人豔酒痕綠暈春風面宛轉
嬌酣百轉鶯翩翩笑比雙飛燕千金一擲酒壚旁梨花滿
瓊金罇香水光山色互清晝鞭絲帽影來斜陽黛色釵痕
看不足海棠花下燒紅燭碧樹春深蛺蝶樓銀塘水暖鴛
鴦浴一霎韶光去不同妬花風雨空中來碧玉門中委西
照綠珠園裏空青苔杜宇聲聲天又曉名花憔悴紅顏老
飄零蕩子不歸來一片愁心付芳草山僧趺坐團青蕉一
炷爐香萬念消悟到色空空色界曇花萬點香雲飄

南嶽望雲

七十二峯翠遞迤中有白雲蔚然起我來歌作望雲歌雲
氣蓬蓬生足底有時一片飛出山何處悠悠行雨還與酣
拍手復長嘯我比白雲閒更閒

酬也岸惠硯

我聞端溪石色紫千鎚直出深坑底妙手鑄成古硯形巾
有蛟龍潛不死吾師什襲自何年開函飄忽生雲煙質比
馬肝更潤澤點如鸚眼猶清圓暇日磨礪一揮寫蕉葉瀟
瀟風雨灑雲氣虛無古洞邊墨花飛舞晴窗下感師投贈
非無因歷風水火超微塵願寫蓮經卅五部長伴金剛不
壞身

舟過礬石浦題杜工部祠作

秋風日暮維孤艘杜老祠廟臨清江杜老千年不可見清
江之水空淙淙三禮當年曾獻賦開元天子加恩遇金榜
醉罷曲江春玉珂聲徹天門曙一從邊塞生狼烽漁陽戰
鼓聲瑟瑟上皇西幸出倉卒劍閣迢迢蜀道重公亦飄零
西南道憂國離家雙鬢老可憐空負棟梁材稷契何由展
懷抱當日曾經宿水涯扁舟一葉未還家戎馬關山紛涕
淚岸花橋燕空咨嗟江天一抹晴嵐碧祠前老樹秋瑟瑟
我攜杯酒奠公前江水空靈江月白

口占

平生愛與漁樵遊下衡嶽兮泛湘流十年多少水雲夢一

枕不知天地秋野鶴行蹤本無定飛來飛去蓬山頭羅浮
道士招我飲百壺醉倒瓊花樓君不見昔時賢若多窮愁
茫茫萬古成荒邱乾坤浩蕩不可已白雲渺渺將何求

登岳陽樓望君山

欲吞雲夢開心胸岳陽樓下依吟筇君山突兀半天立亭
亭高插青芙蓉重湖逝水何滔滔蛟龍怒捲奔銀濤翠螺
聳立如砥柱白日不動蒼冥高豪吟憑眺興未終憾無羽
翰凌長風翩翩飛集最高頂穿巖踏閣洪濛中筠簋自饒
千歲苓食之令我遊冥冥此時樓頭天欲暮回瞻落日橫
空青神仙鬢鬢來雲閒雪霜不改方瞳顏何不扶我超塵
寰千山萬水時瞻攀

秋日偕心會過晴川樓聽竹溪立中兩上人彈琴

絲桐千古誰入神伯牙師曠能絕塵上人今日彈一闕翻
令往哲不可倫有時揮手一相撼半天笑兀飛霹靂忽聞
風雨從西來萬斛寒濤瀉松柏古音妙節不可窮想當造
化羅心胸其調高者其聲壯又如鸛鶴鳴秋空側耳沾沾
心自喜令我塵勞淡如水有時彈到塞上鴻黃雲萬里秋
風起何處紛紛來數行賀蘭山外塵飛揚征人回首一灑
淚髮髮戰鼓鳴沙場自注是時彈塞上
鴻一闕音律悲壯茫茫笑我奔塵埃
幾番得上談經臺此時領悟最高處鬢華髣髴空中來披
襟興劇揮松塵一縷旃檀博山吐暮天蟬唱漢陽城西風
葉落瀟湘浦君不見當日穎川曾擅此斯人去後長已矣

風流往事如浮雲千載茫茫誰復爾又不見落霞彩鳳重
千金廣陵一散空古今成連海上不可接天風怒捲狂濤
音鐘磬泠泠四山夕上人囊琴下巖壁一聲長嘯過東溪
惟有晴空秋月白

春日過鳳竹精舍

春雨過前村好花香到門遠山青有黛淺水碧無痕山寺
隔煙出溪禽聞客喧老僧枯入定寂寞淡無言

杜鵑

杜鵑啼不住萬里夕陽殘花落楚天晚魂歸蜀道難一年
春又老三月雨猶寒苦竹叢中路斑斑淚未乾

懷師

梅雨一簾霽江天又晚春不堪千里道猶有未歸人瓶鉢生涯遠風霜鬢髮新燈前展書帙讀罷幾沾巾

宗留守

慷慨宗留守身先士卒驅試聽垂死際猶作渡河呼上相
堅和議中原失壯圖臣心惟殺賊至竟不模餉

岳少保

公死敵人喜南朝事可知空餘順昌幟不見岳家旗豪傑
吞聲日元戎飲憾時渡河功指顧一旦棄如遺

題吳錫堂秋風破屋圖

黃葉落無數到門秋氣深有人此棲息一卷獨沈吟昨夜
朔風急半牀寒雨侵悲來不成語慷慨一沾襟

塞草

萬里龍堆路西風塞草枯黃雲圍大漠落日下平蕪蘇武
愁多少昭君憾有無夜深霜角冷山鬼嘯還呼

常集

嫋嫋洞庭岸蕭蕭楓樹林有時敲客艇一夜動鄉心洲渚
秋光老關河暮雨沈我懷正搖落猶自急寒砧

霜砧

斜陽下荒渚幾處試新砧絕塞征人淚深閨少婦心雁聲
寒不落霜氣夜來深惻惻西風裏憑誰寄遠音

古劍

出匣電光掣蕭蕭風雨聲虛
暗落星斗寒氣撲窗楹山鬼

忽然泣毒龍時一驚我心倚禪定斯斷萬緣輕

征鴻

旅雁一行過長天萬里垂疏林楓落後古渡月明時有客
驚鄉夢枯鐙感鬢絲故園杳何處惆悵尺書遲

萬象山

崇福何年寺名區絕頂峯望中分有象幽處欲生龍黃葉
落未落白雲重複重到來問僧臘殘碣指遺蹤

昭山次彭鑒亭韻

一棹下江渚層峯起面前僧歸黃葉寺樵唱白雲天塔影
浮空小鐘聲落檻圓臨風奏長筵直欲挾飛仙

張雲池孝廉過茸香精舍夜話

吟遍新詩草悠然隱者心梵聲空院靜鐙影小樓深顧我
團蒲坐勞公踏葉尋清談斟杯茗霜外月華沈

冬夜卽事

大地三千界維摩十笏居燈孤人影寂庭靜磬聲疏橘柚
霜酣後梧桐月上初薰香檢書冊幽興復何如

和徐倬湖先生草堂春興韻

高士湖邊宅清貧可養廉波光搖出檻山色入重檐花徑
羊腸曲茶香雀舌尖閒居日無事一卷和陶潛

忽忽三春盡棲棲半畝餘公休歌慷慨客敢笑軒渠湖海
豪猶昔煙雲迺未除茅庵貝多紙更欲乞公書

輓王印潭廣文

公子清羸苦招魂讀楚歌十年 鳴冷宦百歲感流波福命
生前少才名死後多東林舊蓮社岑寂近如何

晚眺次江羽國韻

薄暮東郊望芳塋一帶斜綠添新種竹紅牘未開花斷磬
談經閣疏鐙賣酒家禪關歸不掩倚樹數棲鴉

和青庵明府萬樓之作

仙令來南國高吟繼北樓煙消衡嶽樹帆落洞庭舟山色
詩兼畫江聲夏亦秋歸途聽櫓燕停轡尚淹留

寄師

江上挈舟日樽前淚似珠雲山千里別天地一身孤亥豕
安身否辰龍歇脚無可憐今夜月何處坐團蒲

鳳竹庵晚眺同也岸作

煙樹晚悠悠登臨到上頭諸天絕塵垢此地自春秋遠水
碧千里夕陽紅半樓故人有友遁深夜送賡酬

輓郭介石

記訪紫芝仙詩參畫裏禪相看猶昨日誰信隔重泉猿嘯
寒巖樹烏啼落月天西州怕重過殘笛倍淒然

上方寺

一徑入幽谷千巖鎖翠峯疏林遙辨寺隔院已聞鐘雲氣
溼空壁濤聲流古松夜來仙唄靜我欲證天龍

和碧泉秋夜寄懷韻

小院秋光淡空庭夜色清遙憐多病客吟對佛鐙明山月

穿林碎江雲入戶輕翻勞閒裏句偏寄道中情

過白雲寺贈續元禪人

地僻煙霞古山空草木靈輕煙生破衲老樹倚危亭拄杖
朝看鶴挑錐夜讀經結鄰如見許一室亂峯青

石楠庭編修枉顧

疏林倚江介清磬落江煙我已飯金地君來自木天琴樽
新契好文字舊因緣他日竹窗話還期證四禪

江樓晚眺

高樓瞰無際溽暑坐來輕樹干霄立江雲挾雨行槽聲
喧極浦帆影掠危檻回憶曾遊日風光未少更

冬夜懷箴泉

大夢幾時覺枯鐙半壁明早梅春一信好月夜三更忽憶
老詞客高懷無限情一龕清影裏猶帶醉吟聲

春日同沈星池江退齋過雨花別業

遠從翠微頂來叩白雲扉一徑落紅雨千山送夕暉水光
開佛相雲氣冷僧衣坐聽梵王旨月明猶未歸

過浮木堂

疏鐘關不住薄暮出青山黃葉有時落白雲終日閒人從
石上坐詩向佛前刪合掌欲相訊高僧還未還

春夜和湘上吟侶贈之漢江韻

又是春歸後落花三徑殘雲山千里別風雨一鐙寒古寺
鐘初定疏窗夜欲闌天涯明日隔回首路漫漫

登嶽麓山

天風起何處吹墮一聲鐘古寺鬱空翠夕陽橫亂峯泉喧
千嶂雨僧老六朝松笑問此山頂白雲深幾重

舟發星沙

我欲醉湘醺扁舟下洞庭神仙猶浩劫塵世有誰醒浪打
千堆雪天圍四面青今宵吹鐵篴知有老龍聽

湘陰道中

迢遞湘陰道秋風千里寒黃陵有遺廟苦竹倚空灘遠水
杳無際猿聲聽未闌孤舟今夜泊猶自路漫漫

喜晤范白舫先生有贈

曩詩訪名宿飛渡大江東黃鶴高樓月梅花玉笛風琴尊

多勝會詞賦歷羣雄一辨心香熟齊梁弟子中

登黃鶴樓

黃鶴不可見白雲空自悠欲吞江漢水直洗古今愁落日
關山遠西風鴻雁秋憑欄懷往事吟罷幾回頭

白舫愛法時帆先生秋聲在高樹詩夢落深竹句黃
穀原爲畫冊屬題五律一首

結茅亂峯裏詩思正漫漫黃葉落將盡秋聲聽又殘蟲音
三徑寂燈影一窗寒明月照吟夢長依修竹竿

聞蟲

何處斷復續庭梧落葉中音沈三徑月吟咽五更風秋意
淡如此客心悲未窮披襟聽不斷搔首一書空

漢上中秋夜雨

好月不可見
關河暮雨沈
人來湘上寺
秋老客中心
蕭瑟值佳節
蒼茫空遠吟
故園有叢桂
應發舊高岑

畱別吳格齋僧問濤

漢水難爲別
青山欲暮時
江空帆影重
秋老雁聲遲
浪跡本無定
閒雲空所之
蒼茫一回首
獨立正懷思

尹賡堂過齋夜話

暝色入林際
花香生座間
淵明聯白社
支遁愛青山
竹瘦龍吟細
松陰鶴夢閒
一尊足清興
不用遠躋攀

大江晚眺次心齋韻

落日下微茫
秋風渡漢陽
暮雲千里白
老樹萬山蒼
有客

倚吟杖披襟迎晚涼來朝理歸棹回首望瀟湘

遊大別山登晴川樓留別饒繇坡

淒切漢江水滔滔終古流天涯有行客日斷故山秋此地
難爲別高歌空復愁羨君能慷慨遲我共登樓

月夜重登岳陽樓

古人今不作萬里首重搔鐵笛仙何在巴陵酒未消風塵
三戶合天地一身遙倚檻看秋月關山夜寂寥

月夜宿闌江驛懷湘上諸吟長

水生青竹浦秋老石門灘山月淡如此江天空自寒雁聲
千里斷客夢一燈殘爲憶黃花約長吟殊未闌

雪中過浮木堂

萬木凍欲折老梅香更清疏鐘動山寺寒雪灑窗楹虛室
忽然白翠禽時一鳴何當伴禪悅煨芋話殘更

懷古

謫仙不復作萬古一長吁明月至今在斯人茲世無哀傷
滄海句飄泊夜郎軀我欲酌樽酒放懷應與俱

冬夜

萬壑朔風疾江天欲暮時老梅開亂徑飢鳥宿寒枝往事
不可憶人生無定期枯鐙照殘夢此夕欲何之

和謙庵夫子擬登昭山韻

高閣一千仞先生幾度遊四圍雲氣冷萬里雁聲秋斜照
淡將夕疏鐘清欲流詰朝續清興長嘯白雲頭

上方寺

夜宿翠微頂白雲深幾重鳥唳千障月人定半樓鐘虛徑
落黃葉寒濤流古松孤鐙光欲盡破壁走神龍

沅湘耆舊卷第一百九十六

新化鄧顯鶴湘皋編輯

湘陰左宗植仲基校訂

綠塵詩僧覺慧

近體詩九十八首

春日喜悟詩人朱潤東之子雲壑於浮木堂有作

宿草頻年痛未消
天涯愁絕路迢迢
西華公子疏音問
南國詞人久寂寥
此日忽逢花藥寺
渡江已繫木蘭橈
一囊詩草兼書畫
破涕爲君賦大招

韓蘄王

閩郊元戎能敵愾
閨中紅粉亦援桴
保身明哲終歸去
回首英雄事莫須
臥虎勳名騰北塞
騎驢詩酒老西湖
岳家

全禍公全福感慨何勞擊唾壺

宋玉墓

雄風吹冷暮雲村
詞客千秋蹟尙存
君爲三閭會痛哭
我歌九辨復招魂
空林落日嘸山鬼
白芷紅蘭泣墓門
雲雨荒臺俱是夢
臨江遺宅不須論

題楊詞軒聽松圖

天風怒捲海濤傾
管風鞭龍雨不停
雲氣盤開千頃白
松陰圍住半天青
可容衲子扶藤杖
來伴先生采茯苓
涼雨過時新月上
竹窗更共譜茶經

秋草

西風吹冷暮雲村
十里平蕪日又昏
最苦幽碧沈涼露
色衰

腰青失晚煙痕三春芳信空陳蹟何處飛蓬認本根莫問
六朝佳麗地寂寥空鎖舊朱門

古硯爲尹墨卿孝廉作

自注墨卿攜
自衡嶽歸

誰向前天割片雲輕帆初自楚江分攜來太古青蒼色猶
帶澄泥紫氣紛風雨驟生靈麓樹蛟龍怒捲碧湘濱先生
台號元香守九錫同加薛稷文

有感

鈍根莫作石頭頑對景無思卽大還不向鬢眉參古佛誰
能面目識廬山身從動處還宜靜心到空時始覺閒踏破
雙林林外路始知香界絕塵寰

閒雲野鶴兩忘形成佛生天屬渺冥仙境有緣人易到黃

梁無術夢難醒人閒但賸空皮袋方外猶存舊性靈一炷
旃檀半庭月慈雲深護涅槃經

贈別謝青庵刺史入覲

丹楓兩岸綴行旌報道朝天入上京我向萬家生佛拜
公如一路福星明吟舉澧芷香生韻聽到江流政有聲遮
道漫言畱不住御屏風上早書名

九日同張雲池孝廉楊春臺秀才張謙庵夫子訪尹
雨麓先生兼過鳳竹精舍懷竹軒和尚不至

湘浦秋高雁作羣日斜江上更尋君重陰不散千峯雨寒
氣猶生萬壑雲陶令襟懷原澹泊遠公別緒太紛紜如何
蕭寺暉吟夜不見維舟野水濱

贈僧嶽雲

一鐙清夜禮阿羅妙諦三乘近若何禪意祇同明月滿香
煙惟用白雲和朝探虎豹峯千立夜咒蛟龍一劍磨記得
上方曾過訪誦經聲挂竹窗多

梅影

疲驢何處覓孤芳縹渺峯頭半夕陽地僻二分明月淺山
深一徑白雲香空林寂歷鴉聲碎老樹枒叉鶴夢長一抹
晚煙遮不斷絕無人處弄昏黃

滕王閣次文槐村韻

危樓突兀接通津秋水長天一碧新陳蹟至今悲帝子高
文終古屬才人挂帆目覺登臨好倚檻誰憐感慨頻惆悵

不須重回首夕陽依舊滿江濱

虎邱

荒邱懷古感何窮極目蒼涼色是空
虎氣依稀消夜月烏
唬猶自泣秋風一灣流水斜陽裏
幾處寒砧落葉中腸斷
不堪回首望屨聲猶認館娃宮

過希青亭

閒詢往事俯隣甬有客同舟楚水濱
不向寒煙搜白骨至
今冷雨尙青燐一杯土已成千古
十笏亭猶記兩人斜倚
夕陽重回首白楊蔓草幾番新

春日過浮木堂訪也岸上人

夕陽城郭水之濱古寺登臨絕點塵
楊柳綠濃千縷色桃

花紅送一簾春人從古佛鐙前坐詩向生公座上陳指點
碧莎原上路平湖兩岸月如銀

雨中上巳

風風雨雨負良辰對景徒增感慨頻百歲賞心能幾日一
年回首又三春難尋柳市聽鶯客已阻花溪撲蝶人記得
舊遊觴詠地軟紅香裏踏行塵

春柳次岫門韻

垂柳千絲拂檻長東風搖曳太顛狂金隄撲絮迎人緩紫
陌飛花送客忙兩岸曉煙鶯語滑一簾春雨燕泥香不須
更學隋家樣亂遣飛鴉噪夕陽

離情掛觸近如何十里旗亭一曲歌客去長隄芳草遍人

來大道曉煙和樓頭別檻垂珠箔渡口紅橋漲綠波聽到
笛聲嗚咽處風前攀折已無多

半含旖旎半嬌羞千騎知誰在上頭錦纜不牽隋苑憾翠
眉空鎖漢宮愁行人出塞休回首少婦凝妝正倚樓未博
侯封應一悔當年底事筆空投

柔絲綠出萬千條倦倚東風色更嬌三月落花春寂寂五
陵芳草路迢迢憑欄慣撲佳人面學舞曾羞美女腰願向
觀音淨瓶畔慈雲座上仰清標

五日和羽清韻

到處朱門樹綵竿團蕉自覺此心安萍蹤何訝天涯別榴
火偏宜雨後看吳客情懷憑綠酒楚人哀怨託紅蘭花宮

日午經過小東門聯吟且盡歡

江羽國歿於五日以詩哭之

幾日窗前共苦吟那堪清淚忽沾襟青燈未了平生志黃
卷空餘不死心五日有天眞莫問重泉無路杳難尋他時
讀到招魂賦怕把香蒲酒滿斟

淚

一束紅綃雨淚傾長門燈暗泣無聲斑筠萬點黃陵廟杜
宇千年白帝城壯士樽前今古憾美人帳底別離情可憐
灑向牆陰下秋雨秋風怨又生

和葛崑圃昭潭雜興韻

懷騁還宜借目遊楚天風物四時幽秋雲不散蘆花渚春

沙洲春集卷之九十一
三
漲潛生杜若洲夾岸鐘鳴前代寺隔江人語夕陽樓僧王
圖霸休回首付與清江水自流

一帶人煙繞薜蘿回頭逆旅幾經過汀蘭岸芷還如舊橋
燕江魚可奈何雲氣白凝衡嶽迴天光青入洞庭多浮湘
遙羨丹砂客月下時聞鼓枻歌

寄懷吳白庵先生

黃山松與湘江竹都向先生腕底撐急雨乍過清簾起長
風忽捲怒濤傾西江詩派無餘子南國騷壇有正聲知否
瓣香私淑者聽鐘聽雨倍關情

自注君有聽雨齋集及門
王野樵進士有聽鐘軒集

秋柳

無復飛花撲玉塵依依空對楚江濱
飄零紫塞愁邊客長

觸春閨夢裏人萬頃夕陽寒漲急一天疏雨暮蟬頻來鴻
去燕無消息回首空教淚滿巾
春來曾記鎖晴煙百轉流鶯雨後天密影半遮金絡馬濃
陰深護木蘭船那堪冷水寒山外又是西風落照邊我已
禪心等枯絮憑教榮落自年年

落葉聲

西風一夜滿柴門落葉蕭蕭老樹村九月寒砧催落照一
天秋意近黃昏孤鐘小院驚殘夢冷露空階泣斷魂多少
離人聽不得幾回搔首那堪論

九日同秦錦江蔡籙浦汪養田賀六宇諸公鳳竹林
登高

方外閒情物外遊湖山四望豁吟眸僧歸黃葉聲中雨門
掩寒山寺裏秋我輩逢場原曠達古人何事祇牢愁一聲
長嘯疏林外復把新詩共唱酬

和碧泉上人秋夜述懷韻

秋風秋雨颯寒帷禪客深宵動遠思雲鶴行蹤原易託泥
鴻消息豈難知疏林紅樹驚霜後小院黃花著露時好認
須彌山頂路莫教回首倍遲遲

江樓

一帶清江望不窮登樓有客畫圖中帆檣幾處通吳會疏
鑿何年見禹功落日西風湘女廟淡雲微雨楚王宮憑欄
欲訪懷沙跡岸芷汀蘭入杳濛

蟋蟀

松閒幽徑竹閒房，促織聲聲逗晚涼。
曲檻風清秋正永，疏籬雨過夜偏長。
每於斷磬殘鐘候，多在空階古砌旁。
老衲不驚禪定破，半鉤斜月下迴廊。

九日簡墨卿養田

壓成綠酒猶須釀，作就新詩更待裁。
一徑煙霞催客到，滿天風雨逼人來。
洞庭水濶波聲壯，衡嶽秋聲霧色開。
寄語登高探勝客，臨行何事更低徊。

劍

三尺寒泉百鍊精，龍吟虎嘯舊知名。
白虹貫日雲霓紫，電橫霄鬼魅驚。
脫手難平豪士氣，關心每見故人情。
不須

涉江書集卷第一百九十六
更羨昆吾劍斫地時聞風雨聲

人影

寒鐙如豆照分明竹榻同依磬一聲入定淡成方外友棲
禪閒悟道中情空來色相身皆幻脫卻形骸體自輕他日
須彌山頂路導儂好向月中行

輓陳振翁

秋風秋雨悴芳蘭仙鶴高飛蝶夢殘江岸客來黃葉冷洞
天人去白雲寒空餘霜月歸琴榻無復煙波理釣竿我亦
西州怕重過一聲長笛淚闌干

冬夜江退齋過茸香精舍

紅樹村莊貝葉林勞君幾度此相尋僧歸小院鐘聲靜人

在空堂暮雨湛五字可能參慧業百年難斷是名心夜寒
風起孤燈碧煮茗還依竹榻吟

春草和錦堂韻

芳郊淺草綠萋萋漸映平蕪遠近隄三月亂粘飛絮雪一
春長護落花泥斜陽短笛橫牛背細雨長亭送馬蹏幾日
踏青人不到濃陰已遍小橋西

擬黃鶴樓

白雲尙賸當年蹟黃鶴猶名此日樓不信神仙歸渺渺本
來江漢自悠悠晴川楓葉霜千樹鄂渚蘆花雪一洲千古
英雄千古憾幾回憑眺幾回愁

鑿石浦少陵草堂

涉江雜興 卷第九
未陽南下夕陽曛白首飄零楚水濱其奈百年長作客可
憐一飯不忘君灤西草閣迷蒼靄杜曲花溪隔暮雲此日
停舟薦蘋藻千秋憑弔淚紛紛

鷓鴣

定王城畔春初老湘女祠前日又曛苦竹幾叢空灑淚落
花三月又逢君夢回青草迷蒼靄目斷黃陵只暮雲辛苦
爲誰行不得有人腸斷不堪聞

昭君

一曲琵琶血淚斑黃沙馬上老紅顏春風一幅餘圖畫明
月三更冷珮環青草自甘成死別黃金誰復復冀生還君王
莫更思臣妾幾見男兒出漢關

和蘇雲見寄韻

一燈枯寂坐更闌我亦凝思入夢漫行腳未知何處好立
身始信古來難白雲出岫千林曉明月澄潭一鑑寒他日
禪心容共證不妨饒舌到豐干

花石戍工部草堂

蜀道愁懷兩鬢斑孤舟萬里未曾還聽殘秋月風中笛望
斷花溪屋後山三楚芷蘭哀怨地百年戎馬別離間古今
無限滄桑感祠樹青青只照閑

冬日和宋敬亭見寄

長吟又到峭寒天一卷空山手自編浮世誰能摩鐵佛此
身我已奉金仙枯鐙影淡安心靜篤耨香清養性便記取

暮鐘殘磬夜幾回長嘯亂峯顛

和羽客劉羽清梅花

一點芳心迴絕塵前身應是蕊珠人
煉成閬苑千年雪照得琳宮萬古春
天昨蒼龍行去遠山深元鶴夢來頻
分明夜半朝元閣清磬林中禮上真

寓鐵佛寺酬吉晉嶠明府枉顧見贈元韻

山僧江上侶樵漁雲水生涯到處如
蓮社忽逢清白吏蘭亭時揭裊黃書
閒舉扇子三湘豔靜證維摩十笏居
苦茗一樽吟未盡令公香已襲人裾

簡顧劍峯

小艇初停淡水濱披襟來挹芷蘭芬
案頭綵筆書紅葉方

外閒情寄白雲禪悅千秋蘇學士名稱三絕顧將軍會看
雕鶚凌霄上旗鼓騷壇自不羣

心盦招同顧劍峯汪星石叔瞻顧小瀾鮑筠莊程執
齋芥坪僧澹庵飲集天都精舍卽席分賦

楚王宮殿集名流年少沙彌許共遊一院風清梧葉路滿
林蟬唱稻花秋樽前詞客黃山谷座上才人顧虎頭玉塵
劇談今古事笑看紅日下西樓

秋日高濤士黃心盦招同僧澹庵黃穀原范小舫集
梅子山餞別林琴庵還眞州時衲將赴澧陽刺史青
葦先生之招

尊前難盡主賓歡餞別旗亭思杳漫楚塞蟬鳴秋色晚吳

江楓落雁聲寒。天涯作客，人將老，遠道懷秋。夢未闌，我亦浪遊還托鉢。關山同是路，行難。

同楊輔臣登晴川閣

晴川江岸古時樓。選勝開登最上頭。鸚鵡消沈名士賦，煙波流落旅人愁。天邊雲鶴千年蹟，檻外湖山萬里秋。莫問英雄當日事，夕陽芳草遍汀洲。

畱別心盦及吟社諸君

回首旗亭日又殘。孤蓬千里路漫漫。人歸湘浦秋風老，湖打江城夜月寒。客裏久生飄泊感，天涯從古別離難。可知今夕懷人夢，哀咽猿聲過楚灘。

題潛庵禪師板機晚眺圖

霸業消沈戰壘空
吾師憑眺畫圖中
數聲鴻雁秋風冷
萬里關山夕照紅
往事茫茫悲過客
江流滾滾弔英雄
他時托鉢如能去
搔首危樓感慨同

辱陵道中稱徐荇圃先生哭詩人朱澗東作

社冷湖山舊愴神

自注澗東在湖有湖山詩社

飄零蹤跡老風塵
秋風

遠道扶歸櫬
落日窮荒哭故人
十載論交書劍客
百年垂死別離身
黃金散盡知何益
回首空餘淚滿巾

蘭江畱別峻上人

蘭江江水送行舟
一別支公動遠愁
紅樹湖山歸路晚
黃花風雨寺門秋
名場未必稱千古
身事還須臥一邱
他日衡南尋舊約
寒雲鐘打二更樓

雨中過洞庭

溼雲飛去楚天昏長嘯誰將雲夢吞
過客勞勞空去住大江滾滾浸乾坤
長風細雨千帆亂雪浪洪濤萬馬奔
千古英雄多少憾臨流欲奠酒盈樽

寄懷心齋

仙人遙隔閩風岑小別常牽遠道心
欹枕夢回千里外閉門家在萬山深
枯鐙破衲愁無那短詠狂吟感不禁
何日牙琴授真諦天風吹送海濤音

我聞

我聞大地本虛幻塵海茫茫一粟浮
文梓千年終是幻白雲於我更何求
沙門已自皈龍象塵世憑誰喚馬牛
五嶽

雄心消不得幾時重作打包遊

冬夜懷心盒竹公

朔風吹雪遍河關
剪燭憑誰一破顏
千里鄉心愁短夢
十年身事負青山
遠公結社期空在
王粲登樓老未還
今夜相思渺天末
洞庭無際水潏潏

寄澹庵僧

一從花散大羅天
東向松枝意黯然
悟到無情方作佛
看來有相卽非禪
當頭般若三千字
回首靈山五百年
他日鬢絲禪榻畔
三生重與話前緣

春夜雨中偶作

荒涼舊夢不堪尋
半榻蕭蕭動遠情
江畔煙花春半月
寒

城風雨夜三更逢人漫憶當年事薄技難爭後世名惟有
青山堪作伴團蕉打坐證無生

病中自輓

病餘心緒正恬然白骨閒參不語禪自信此身原是佛不
須何處更生天深宵有句吟齋已浮世無金鑄閻仙誦徹
涅槃經一卷靈光早向轉輪圓

口占

定中香界靜中禪大海何須渡鐵船成佛由來空一念生
天原不記千年摩將舍利三千顆燒盡旃檀一炷煙悟到
語言文字外滿庭涼碧月娟娟

古意

紅顏問閨人白髮沙場客兩地各相思共此團圓月

空山

空山人不見怪石向前橫何處擊霜磬冷然時一聲

懷人絕句

迢迢江上舟渺渺雲中樹今夜酒醒時孤篷泊何處

秋郊晚步

牛羊下荒隴古墓晚陰森何處叫山鬼蕭蕭楓樹林

答蘅臯禪侶

故人昨寄雙魚問我山中何若半潭秋水覩魚一塢白雲
放鶴

芒屨到處看山藜杖有時行樂白雲不雨常閒黃葉無風

自落

新柳

紅橋十里豔陽天
新柳初萌大道邊
最愛晚風扶不起
一痕清淺劇堪憐

荷軒納涼同馮勉齋作

水心亭子綠雲遮
四面芙蓉四面花
消受空青涼碧裏
冰磁同淪雨前茶

茸香精舍避暑

涼碧娟娟雨過時
桐陰滿地客來遲
蒲團坐破無餘事
一炷名香半卷詩

心憩名經靜不開
日長亭鶴夢初回
花笑對阿羅漢我

是禪堂小善才

月榭風廊次第開
蟬聲嘶過講經臺
白雲隔斷山前路
未許忙人觸熱來

題畫竹

誰將半幅鷺溪紙
江上修篁畫幾根
涼雨過時新月上
斑斑猶帶舊時痕

晚眺

日暮芳郊暝色閒
夕陽紅度小橋隈
平山一帶青如畫
時有人從隔岸來

涵碧軒納涼

小亭清興近如何
一卷新詩一曲歌
最愛短簾疏檻外
藕花風雨正婆娑

花池館嫩涼多

薤簾藤牀兩共憐北窗一枕足高眠夢同青石池邊立碧柳濃梳萬縷煙

碧紋如縠縷煙輕荷葉田田色更清遙見沙鷗眠不起游魚爭唼水萍聲

疏蟬亂噪夕陽時明月澄清上小池芳草一庭花四壁流螢點破碧參差

花陰雜沓柳陰稠蒼翠叢中淡靄浮琴罷棋殘更何事一聲涼笛水邊樓

題畫爲心齋作

山氣作雲雲忽飛湘江萬頃湘波肥何人罷釣晚歸去紅

樹刺誰深掩扉

除夜口占

一天晴雪滿關河古寺雲深少客過
萬樹梅花數聲磬小窗吟對病維摩

寒食同林潤堂作

鶯花三月豔陽天萬樹垂楊綠滿川
君看北邙山下路夕陽芳草自年年

淮陰侯釣臺

不見王孫衣錦還未央宮殿血斑斑
當時若不投竿去煙水蒼茫身正閒

送春和謙庵夫子韻

元相耆舊集

卷第百九十六

十五

幾日離亭漫愴神
綠波渺渺正愁人
楊花到底無才思
不解留春祇送春

送徐紹之歸金陵

一曲驪歌不得留
片帆又挂秣陵舟
月明今夜人何處
黃葉蕭蕭古渡頭

卽事

花宮一徑碧迢迢
扶屐誰人破寂寥
殘磬半消香半冷
一鐙吟對雨蕭蕭

金陵雜感和友人韻

西風渺渺咽寒流
煙鎖秦淮水上樓
何處孤篷吹短笛
淡雲微雨秣陵秋

長板橋邊水氣涼，垂楊渡口暮煙蒼。
人前莫話南朝事，幾樹昏鴉噪夕陽。

和楊聰堂秋聲

六幕涼生一夜風，白雲吹盡楚江空。
人歸黃葉村前路，秋在蕭蕭古木中。
風聲

誰家機杼促來空，四壁寒吟五夜風。
惻悵夢回宵正永，秋聲滿地月明中。
蟲聲

月夜過洞庭湖

君山蒼翠望模糊，浪湧銀堆月湧珠。
長嘯數聲天地曉，海風吹我過重湖。

漢陽柳枝詞次曹問林作

大別山前草樹蒼吳王磯下暮煙黃傷心往事君休問幾
樹飛鴉噪夕陽

半拂朱門半酒樓淡煙微雨漢南秋蟬聲哀咽西風冷猶
自青青送客舟

舟中口號

一抹江天浸晚霞歸心千里片帆斜蓬窗一枕眠初覺看
盡黃蘆兩岸花